



# Халқ сўзи

Ўзбекистон — келажаги буюк давлат

1991 йил 1 январдан чиқа бошлаган

E-mail: Info@xs.uz

2011 йил 30 апрель, № 85 (5252)

Шанба

## БУЮК ВА МУҚАДДАССАН, МУСТАҚИЛ ВАТАН!

### «БАРКАМОЛ АВЛОД» СПОРТ ҲАЙЪАТИНИНГ ҚАТНАШЧИЛАРИГА

Азиз фарзандларим!  
Хурматли ота-оналар, устоз-мураббийлар!

Авваломбор, барча-барчангизни бугун ғўзал ва бетакор Сурхондарё заминидан бошланаётган «Баркамол авлод» спорт ҳайъатининг тантанали очилиши билан чин қалбидан муборакбод этишдан хурсандман. Қадимий Термиз шаҳрига мутлақо янги ва янги боғишлаган, янгидан бунёд этилган спорт иншоотлари, жумладан, барчангизнинг ҳайрати ва ҳавасини уйғотадиган мана шу мухташам майдонда тўпланган сиз азизларни — мен учун қадри бўлган баркамол ўғил-қизларимни кутлар эканман, ҳаммангизни гоёибона бағримга босиб, сизларнинг қадди-қоматингиз, азму шижоатингизга, ёниб турган қўзларингизга боқиб, ўзимнинг чексиз меҳр муҳаббатим, катта ишонч ва умидимни билдиришдан ҳақиқатан ҳам бахтиёрман.

Навбатдаги — бешинчи «Баркамол авлод» ўғил-қизларининг юртимизнинг жанубий остонаси бўлмиш Сурхондарёда, Ватанимиз мустақиллигининг шонли 20 йиллиги арафасида бўлиб ўтаётганининг ўзи чуккур рамзий маънога эга бўлиб, нафақат мамлакатимиз, балки ён-атрофда жойлашган давлатлар аҳолисининг ҳам эътиборини тортаётганини, ҳеч шубҳасиз, ҳаммамиз яхши англаймиз.

Мамлакатимиз, қитъа ва жаҳон миқёсидаги нуфузли беллашуларда голибликни қўлга киритган, бугун сизларнинг сафларингизда барчага ўрнак ва намуна бўлиб турган ўғил-қизларимиз эртанги кунда жаҳон майдонларида Ўзбекистон байроғини баланд кўтариб, энг юксак саври ва нишонларининг соҳиб бўлишига, халқимизнинг гурури ва ифтихорига айланишига ишончимиз комил.

Шу борада биргина мисол — ёш спортчиларимизнинг ўтган йили Хитойда бўлиб ўтган XVI Осиё ўйинларида 11 та олтин, 22 та кумуш, 23 та бронза медалига сазовор бўлгани, футбол бўйича ўсмирлар миллий терма жамоамиз Мексикада бўладиган жаҳон чемпионатида иштирок этиш ҳуқуқини қўлга киритганининг ўзи, ўйлайманки, кўп нарсани аниқлади.

Ёшлар спортини ривожлантириш, юксак даражага кўтариш мақсадида амалга оширилган ишларимиз қўлимизнинг сўнгги йилларнинг ўзида барча вилоят ва туманларимизда 1200 дан зиёд болалар спорт иншооти, жумладан, 61 та сузиш ҳавзаси, 724 та мактаб спорт зали барпо этилгани, улар замонавий жиҳоз ва анжомлар, малакали устоз-мураббийлар билан таъминлангани мисолида кўриш, кузатиш қийин эмас, албатта.

Бу йилги «Баркамол авлод» спорт ўйинларининг дастлабки босқичида академик лига ва касб-ҳунар коллежларида таълим олаётган 1 миллион 600 миң нафардан зиёд фарзандларимизнинг 740 миң нафари ёки қарийб 50 фоизи иштирок этгани ушбу мусобақаларнинг қамрови қандай кенг экани ва мана шу кураш майдонларида бўлажак беллашуларнинг нақадар қизгин бўлишидан дарак беради.

Бугунги ёшлик ва нафосат байрамини, юртимизда шаклланган, «Умид ниҳоллари», «Баркамол авлод» ва Универсиада спорт ўйинлари деб ном

олган уч босқичдан иборат ноёб тизимни биз минг-минглаб ёшларимиз учун спорт оламида энг юксак марраларни эгаллашда ўзига хос парвоз майдончаси сифатида қабул қиламиз. Бундай самарали тизим сиз, азиз болаларимизни ҳам жисмоний, ҳам маънавий жиҳатдан етук, иродаси бақувват, имон-эътиқоди мустаҳкам инсонлар этиб вояга етказишда, қатъият ва мардлик руҳида тарбиялашда ёшларимизнинг чиниқши ва маҳорат мактабига айланиб бораётгани барчамизни албатта қувонтиради.

Қадри ўғил-қизларим!  
Эл-юртимизга хос бағрикенглик, орият ва гурури туйғусини улуглаб яшайдиган Сурхон аҳли мардларни севади, майдонга бел боғлаб чиққан инсонларни ардоқлаб бошига кўтаради. Шундай оташин спорт мухлисларининг ишонч ва эътиборини қозониб, уларнинг олқишларига сазовор бўлишнинг ўзи, ҳеч шубҳасиз, ҳар бир иштирокчи учун катта шараф ва масъулиятдир.

Шу ҳаяжонли дақиқаларда сизлар галаба иштиёқи билан курашга шайланиб турар экансиз, Термизий бобола-римиздек улуг зотларни вояга етказган, Алпомидек мард ўғлонлар, Барчинойдек барно қизларни улғайтирган қандай муқаддас заминда майдонга тушаётганингизни, ўйлайманки, чуккур англаб, ҳис этиб турибсиз. Бу эса сизларнинг ҳар бирингизга баланд руҳ, жушқин гайрат ва ишонч бағишлайди, албатта.

Фурсатдан фойдаланиб, «Баркамол авлод» спорт ўйинларини юксак савияда ўтказиш учун замонавий спорт мажмуаларини барпо этган моҳир курувчиларга, меймор ва муҳандисларга, ана шундай эзгу ишларга катта ҳисса қўшган мутасадди ва ҳомий ташкилотларга, бутун Сурхон аҳлига чин қалбидан миннатдорлик билдираман.


Сизларнинг, бутун эл-юртимизнинг фидокорона меҳнати билан кўнча ва навқирон Термиз шаҳри тобора обод бўлиб, таъбир жоиз бўлса, Ўзбекистонимизнинг олтин дарвозасига айлана бормоқда, десак, ҳеч қандай муболага бўлмайди.

Азиз фарзандларим!  
Мамлакатимиз мустақиллик йилларида қандай оғир ва мураккаб йўлни босиб ўтиб, бугун барқорор ўйш суръатлари-га эришяётган, жаҳондаги ривожланган давлатлар қаторига кириш учун ишонч билан бардам қадам ташлаётган экан, бунинг энг муҳим шартини ва мезонини битта: яъни дунёда яққо ягона бўлган она-Ватанимиз тараққиёти учун ўзини аямасдан меҳнат қилиш, мана шу мусадфо осмонимиз, тинч ва осойишта ҳаётимизни қатъият билан ҳимоя этиш, бу йўлда ҳар қандай синов ва машаққатларга тайёр туришдан иборатдир.

Айнан шу асосда буюк ва муқаддас юртимизнинг тупроғини қўзингизга тўтиб қилиб, унинг шону шухратини етти иқлимга тараннум этиш учун ўз хиссамни қўшаман, деб Ватанга чин фарзандлик севғисини ва садоқатини билан яшасангиз, ишонманки, ҳеч қачон кам бўлмасиз.

Сизларни яна бир бор самимий таъриқлаб, барчангизга бугун бошланаётган мусобақаларда бахт ва омад, келтурси ҳаётингизда янги-янги ютуқлар тилайман.

**Ислом КАРИМОВ,**  
**Ўзбекистон Республикаси**  
**Президенти.**



## Ёшлик, шижоат ва нафосат байрами

**Кеча Термиз шаҳридаги «Сурхон» спорт мажмуасининг ўн миң томошабинга мўлжалланган стадионида ўрта махсус, касб-ҳунар таълими тизими ўқувчиларининг «Баркамол авлод — 2011» спорт ўйинлари республика босқичининг тантанали очилиш маросими бўлиб ўтди.**

Мамлакатимиз ёшлари юксак ташкилотчилик, кўтаринки кайфият ҳамда ҳаяжонли лаҳзаларга бой тарзда ўтадиган бундай спорт байрамларини доимо орзикчи кутадилар. Президентимиз ташаббуси билан аяна тусини олган уч босқичли тизимнинг ўрта бўғини — илк бор Жиззахда, кейинчалик Андижон ва Тошкент вилоятлари, шунингдек, Қорақалпоғистон Республикасида зўр муваффақият билан ўтказилган «Баркамол авлод» спорт мусобақалари шукуҳи бугун Термизда ҳукмрон.

Шу ўринда айтиб ўтиш жоизки, «Баркамол авлод» мусобақалари на-

фақат спорт байрами, балки ёшлар ўртасида дўстлик ва ҳамжихатликни мустаҳкамловчи, уларни ягона мақсад сари бирлаштирувчи беқиёс куч сифатида йилдан-йилга шаклланиб бормоқда. Юртбошимиз таъкидлаганларидек, ёшларимиз таънавий етук, зукко ва билимдон, спорт майдонларида чиниққан, мард фарзандлар бўлиб камолга етишлари керак. Шу маънода, уч босқичли тизим — «Умид ниҳоллари», «Баркамол авлод» ҳамда Универсиада спорт ўйинлари эртанги эгалари онгига соғлом турмуш тарзини синдиришда, уларни Ватани асраб-авайлайдиган, қудратига қудрат қўшадиган, халқаро май-

донларда обрў-эътиборини янада оширадиган фидойи инсонлар этиб тарбиялашда муҳим омили бўлиб хизмат қилаётди.

Спорт байрамга тайёрларлик жараёнида бутун вилоят аҳли бир тану бир жон бўлиб меҳнат қилди. Жумладан, мусобақалар ўтказиладиган объектлар замон талаблари даражасида таъмирланди. Асосий беллашуларга мезбонлик қиладиган «Сурхон» спорт мажмуаси, Термиз давлат университети, 1 ва 2-академик лицейлар, санъат, педагогика, олимпия захиралари коллежлари билан, «Дельфин» сузиш ҳавзаси, «Алпомиш» теннис корти ва кураш мажмуаси янгила қиёфа касб этди.

«Баркамол авлод — 2011» спорт ўйинлари муносабати билан бунёд этилган бундай кўркам ва замонавий иншоотлар юртимизда спортни ривожлантириш, соғлом авлод камолоти йўлида давлатимиз раҳбарининг беқиёс ғамхўрлиги на-

мунаси бўлиб, узок вақт халқимизга хизмат қилади.

Юртбошимиз алоҳида қайд этганларидек, «Ўзбек йигит ва қизлари истеъдод ва маҳорат бобида ҳеч қандай кам эмас. Уларнинг қобилиятини юзга чиқариш, интилишларини қўллаб-қувватлаш доим эътиборимизда бўлмоғи лозим. Таълим-тарбия, маънавият, спорт ва бошқа соҳаларда амалга оширилаётган улкан ўзгаришларимиз ҳам шу мақсадга қаратилган».

Дарҳақиқат, шундай оқилона сиёсат боис мамлакатимизда болалар спортни ривожлантириш, мактаблар, лицейлар ҳамда коллежларда, олий ўқув даргоҳларида энг замонавий спорт мажмуалари, иншоотлар барпо этилмоқда. Яқинда фойдаланишга топширилган «Сурхон» спорт мажмуаси ҳам сурхондарёлик ёшларга ўзига хос совға бўлди.

(Давоми 2-бетда).

## САЙЛОВ ЖАРАЁНИНИ ЭРКИНЛАШТИРИШ

**демократик ўзгаришларнинг муҳим қисмидир**

**Ўзбекистонда ҳар бир фуқаро ўз сиёсий ҳуқуқини сайлов орқали амалга оширади. Ўзбекистон Республикаси фуқаролари ўзлари сайлаб қўйган вакиллари, Президент, Олий Мажлис, халқ депутатлари маҳаллий Кенгашлари орқали давлат ишларини бошқаришда қатнашади. Бу эса фуқароларимизнинг давлат ишларини бошқаришдаги сиёсий ҳуқуқларини янада кенгайтириш учун сайлов жараёнини доимий равишда демократлаштириб боришни тақозо этади.**

Шу боис Президентимиз Ислом Каримовнинг 2010 йил 12 ноябрда Олий Мажлис

### КОНЦЕПЦИЯ: устувор вазифалар

Конунчилик палатаси ва Сенатнинг қўшма мажлисидаги «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси» мавзусидаги маърузасида Ўзбекистонда сайлов ҳуқуқи эркинлигини таъминлаш ва сайлов конунчилигини ривожлантиришга алоҳида эътибор қара-

тилган. Унда миллий сайлов тизимининг изчил ва босқичма-босқич либе-

қисми ҳисобланган сайлов тизими мунтазам такомиллашиб бораётгани, сайлов жараёнини янада демократлаштириш масалалари таҳлил этилди.

Концепцияда Олий Мажлис, халқ депутатлари маҳаллий Кенгашлари га бўлиб ўтган сайловлар жараёнида республика-мизда амалга ошириладиган демократик янгиланишлар, «Куч қаролик жамияти сари» тамойили ҳаётга изчил татбиқ қилингани қайд этилган. Президент томонидан илгари сурилган бу тамойил тараққиётнинг «Ўзбек модели»га асос бўлган бешта муҳим жиҳатлардан биридир.

(Давоми 2-бетда).

## Сўз — халқаро конференция иштирокчиларига

**Шу йилнинг 22 — 23 апрель кунлари пойтахтимизда Демократик ислохотларни янада чуқурлаштириш ва фуқаролик жамиятини ривожлантириш концепциясининг асосий қондаларига бағишланган халқаро илмий-амалий конференция бўлиб ўтди. Мухбиримиз конференция иштирокчиларининг айримлари билан суҳбатлашди.**

## «ЎЗБЕКИСТОНДА ИСЛОХОТЛАР ИНСОН ВА УНИНГ МАНФААТЛАРИГА ҚАРАТИЛГАНДИР»

**Хидетака НИШИВАКИ, Инсон ресурсларини ривожлантириш Ўзбекистон — Япония маркази ҳамдиректори:** — Ўзбекистонда иш бошлаганимга ҳали кўп вақт бўлгани йўқ. Шу боисдан Президент Ислом Каримов томонидан ишлаб чиқилган Демократик ислохотларни янада чуқурлаштириш ва фуқаролик жамиятини ривожлантириш концепциясининг асосий қондаларини ўрганишга бағишланган халқаро илмий-амалий конференцияда қилинган маърузалар, муҳокамалар асосида юртингизнинг йигирма йиллик мустақил тараққиёти, эришган катта муваффақиятлари, одамлар ҳаётида юз бераётган ўзгаришлар ҳақида етарлича маълумотга эга бўлдим.

Инсон ресурсларини ривожлантириш тажрибада энди-энди мустаҳкамланаётган янги тушунчалардан ҳисобланади. У одамларга ўз ҳуқуқ ва эркинликларини, қонуний манфаатларини, иқтидорини рўёбга чиқариш, салоҳиятини юксалтириш ҳамда эҳтиёжларини

қондириш учун зарур шарт-шароитлар яратишда намоён бўлади. Бундай эзгу мақсадга эса аҳолининг жамиятдаги фаоллиги ва табиийлиги, турмуш фаровонлигини ошириш, айни пайтда соғлиқни сақлаш ҳамда таълим тизимини такомиллаштириш орқали эришиш мумкин. Президент Ислом Каримовнинг конференция иштирокчиларига йўллаган табриқларида келтирилган рақамларни таҳлил қилиб, шунга амин бўлдимки, Ўзбекистонда инсоннинг ҳар томонлама баркамол бўлиб етишиши учун барча шарт-шароит мўҳайи этилган. Мамлакат аҳолисининг деярли барчаси саводли эканлиги, кафолатли, сифатли ҳамда бепул умумий ва касб-ҳунар таълимнинг, тиббий изматининг йўл қўйилгани, ижтимоий соҳага йўналтирилган давлат бюджети маблағларининг қарийб 60 фоизга етганлиги — буларнинг барчаси Ўзбекистонда ислохотлар инсон ва унинг манфаатларига қаратилгандаларидир.

(Давоми 2-бетда).

## ОММАВИЙ АХБОРОТ ВОСИТАЛАРИНИ РИВОЖЛАНТИРИШ ЙЎЛИДА

**Пойтахтимизда Жаҳон матбуот эркинлиги кунига бағишланган анъанавий медиа-кўнларнинг очилиш маросими бўлиб ўтди.**

Шу муносабат билан Электрон оммавий ахборот воситалари миллий ассоциацияси «Ўзбекистонда демократлаштириш жараёнлари ва фуқаролик жамияти институтлари фаолиятини ёритишда» нодавлат электрон оммавий ахборот воситаларининг ўрни» мавзусида анжуман ўтказди.

Президентимиз Ислом Каримов томонидан илгари сурилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида таъкидланганидек, мамлакатимизда ўтган йиллар давомида, айниқса, охириги 10 йил-

да оммавий ахборот воситаларини янада либераллаштириш, сўз эркинлигини таъминлашга қаратилган кенг қамров-

### Анжуман

ли ташкилий-ҳуқуқий чоратadbирлар амалга оширилди. Ўзбекистон Республикаси Олий Мажлиси Қонунчилик палатаси депутатлари ва Сенати аъзолари, худудий

телерадиостанциялар раҳбарлари ҳамда ходимлари, сиёсий партиялар матбуот хизматлари, жамоат ташкилотлари ва бошқа фуқаролик жамияти институтлари вакиллари иштирок этган мазкур анжуманда шу ҳақда сўз юритилди.

Тadbирда Ўзбекистон Республикаси Олий Мажлиси Қонунчилик палатасининг Ахборот ва коммуникация технологиялари масалалари

қўмитаси раиси А. Жўрабоев ва бошқалар Президентимиз раҳнамолигида фуқаролик жамияти институтлари тизимида оммавий ахборот воситаларининг ўрни ва ахамиятини мустаҳкамлаш, фуқароларнинг сўз эркинлигига оид конституциявий ҳуқуқларини таъминлашга алоҳида эътибор қаратилётганини таъкидладилар. Бунга мамлакатимизда демократик талабларга жавоб берадиган оммавий ахборот воситаларини ривожлантириш, бўйича конунчилик базасининг яратилгани тўғрисида эришилмоқда.

(Давоми 3-бетда).





